



1. ԱՃԵՄՅԱՆ

Ե Ր Ե Ս ՈՒ Ն Տ Ա Ր Ի



Մասքը մեր քաղաքական անկախության վերադարձման 30 տարիների մասին է: Վեց դար առաջ էր, որ ան՝ անկախությունը, սրգողած, վշտացած, հեռացել էր մեզանից, մեր Հայրենիքի այս նվիրական հողերից:

Ու նրանից հետո աշխարհի բոլոր դժբախտությունները թափվեցին մեր երկրի վրա, ու նրանից հետո աշխարհի բոլոր տառապանքները տեսավ մեր ժողովուրդը: Տեսավ նա ու դառն կերպով զղջաց իր արածի համար, մորմոքելով զղջաց 600 տարի. «...Տուր աշխարհիս խաղաղութիւն, ազգիս հայոց՝ ազատութիւն» մրմնջաց, միշտ հուսալով, միշտ սպասելով, որ վերադառնա նա: Լսեց անագորույն թշնամին «ազատութիւն» բառը, կատաղեց և արգելեց մեզ կրկնել այն, նրա մասին մտածելն իսկ արգելեց, և մենք ստիպվեցինք դողահար շրթներով թոթովել՝ «ազգիս հայոց՝ այցելութիւն...»:

Չտարակուսեցինք երբեք, որ նա պիտի դար վերջ ի վերջո: Եթե տարակուսեինք, հուսահատեինք այդ մասին, այսօր արդեն անցյալում սուղված մի հիշատակ միայն պիտի լինեինք: «Ժողովուրդները սուրով չեն մեռնում, բայց անձնասպան են լինում» ասվել է. իսկ մենք այն ժողովուրդն էինք, որ մի օր գրել էինք աշխարհի ահեղ բռնավորներից մեկին. «Յայսմ հաւատոյ զմեզ ոչ ոք կարէ խախտել... արա զինչ եւ կամիս...» («Այս հավատքից ոչ ոք չի կարող մեզ խախտել... արա՛ ինչ որ կամենում ես...»):

Հայոց պատմության բեկման շրջանը հանգիստացավ 1920 թվի նոյեմբերը: 30 տարի է, որ հայ ժողովուրդը, իր սեփական բախտի

տեր դարձած, ապրում է իր ոսկեդարը: Հաղարավոր տարիների կյանք ունեցող մի ժողովրդի համար, որ շատ անգամ եղեգի ճկունությամբ խոնարհվել է, բայց միշտ վերականգնել, 30 տարին, որպես քանակ, շատ աննշան մի ժամանակաշրջան է: Բայց նա մեծ է մեր ժողովրդի համար իր բովանդակությունով, որի մասին 30 տարի առաջ երբեք չէինք էլ կարող երագել: Որբերի, արցունքի և աղքատության երկրից, թշնամու կրկնի տակ մահամերձ փոված մեր դժբախտ երկրից, այսօր ահա մի հրաշագեղ Հայրենիք ենք կերտել, ուսումնառ մեծ ժողովրդի, սովետական մյուս ժողովուրդների եղբայրական օգնությամբ, դարմանելով մեր վնասները, բուժելով մեր վերքերը, գոնե այնքան, որքան հնարավոր է մարդկորեն:

Աշակերտ-ուսանողների թիվը, որ առաջ մի քանի հազարի մեջ էր, այսօր 300,000-ի է բարձրացել: Եթե 1914 թվականին Հայաստանի բնակչության յուրաքանչյուր շնչին ընկնող լուսավորության տարեկան ծախսը կազմում էր 39 կոպեկ, 1950 թվականին յուրաքանչյուր քաղաքացու տարեկան ծախսը կազմում է 421 ռուբլի:

Նախապատերազմյան հնգամյակների ընթացքում, ռեսպուբլիկայի արդյունաբերության արտադրանքն աճեց 15 անգամ, իսկ 1949 թվականին, 1940 թվականի համեմատությամբ, արտադրանքի թողարկումն ավելացավ 215 տոկոսով:

30 տարի առաջ սովից մեռնող մեր երկիրը ներկայիս արտադրում է 400 տեսակ սնունդական նյութեր:

Դեռ հինգ տարի առաջ, 1945 թվականին, 1913 թվականի համեմատությամբ, էլեկ-


տրոէներգիայի արտադրութիւնն աճել էր ավելի քան 85 անգամ:

Առաջ հայ գյուղը բացարձակապէս զուրկ էր էլեկտրականութիւնից: Այսօր ավելի քան 100,000 կոլտնտեսականների բնակարանները լուսավորված են «Ելլիչի լամպ»երով:

Աննախընթաց չափով աճել է գիրն ու գրականութիւնը, բարձրացել ժողովրդի մտավորական մակարդակը:

Եթե չխանգարեն մեր ճիգերն ու մեր ոգորումները դուրսի շարադետ ուժերը:

Մեր Երևանը... Ու դեռ նա վերջին այս մի քանի օրերի մեջ դարդարվեց երեք շքեղ արձաններով՝ Սովետական Միութեան կրկնակի հերոս օդաչու Նելսոն Ստեփանյանի կիսանդրիովը, քաղաքի կենտրոնում, Կիրովի անվան մանկական պարտեզում, Խ. Աբովյանի ամբողջական արձանովը, քաղաքի հյուսիս-



Ցորենի հունձը կոմբայնով

Բարեկարգվել են շատ գյուղեր, շքեղացել, մեծացել քաղաքները:

Անճանաչելիորեն փոխվել է մեր ոեսպուրիկայի մայրաքաղաք Երևանը իր լայնարձակ պողոտաներով, իր թովիչ պարտեզներով ու պուրակներով, իր շքեղ շինութիւններով: Երևանի նոր թաղերն ու շինութիւնները, մանավանդ Բաղրամյանի անվան պողոտան, որի երկու կողմերի վրա պատմութեան մեջ ավանդված Անիի ճարտարապետական սքանչելիքները եկած կարգի կեցած են կարծես, քեզ հիշեցնելու համար անցյալը, քեզ երևակայել տալու համար գալիքը,

արևելյան ծայրամասում, բարձր դիրքի վրա սքանչելի կառուցվածքով, և Ի. Վ. Ստալինի հսկա մոնումենտ-քանդակովը Քանաքեռի սարահարթի վրա և տեսանելի Երևանի ամեն կողմից: Նոյեմբերի 29-ին, Հայաստանում Սովետական կարգերի հաստատման 30-ամյակի օրը, մեծ և հուզիչ հանդիսութեամբ, կատարվեց բացումը արձանին այդ մեծանուն մարդուն, որ 30 տարի առաջ նախաձեռնողն ու կազմակերպողն եղած էր մեր ժողովրդի փրկութեան դործին, և որի հոգածութիւնն ու խնամքը անպակաս եղավ մեր երկրի վրայից: Եվ այդ մոնումենտի ներկայութիւնը Քանաքեռի սարահարթի վրա, հայացքը դեպի

Մասիսը, ինձ ներշնչում է այն հավատը, թե անպակաս պիտի լինի նրա հայրական գործը մեր ժողովրդի նկատմամբ, և թե նա սիմվոլն է այն ուժին, որի պաշտպանության տակ միայն հանգիստ ենք ու ապահով:

Բայց ո՞վ պիտի պատմե այն բոլոր սերերի, բոլոր հույսերի մասին, որ արտասահմանի մեր տարահալած հարազատներինը եղավ երկար տարիների ընթացքին, նաև այն կարոտների և հոգեմաշ սպասումների մասին, որ այդ հայրենաբաղձ բազմություններինն եղավ և է ներկայիս էլ, բայց որոնց շարվեց հասնել իրենց երազին: Ունենալ Հայրենիք, լսել ամեն օր, ամեն վայրկյան նրա նվաճումների, նրա վերելքների և սփռփարար կյանքի մասին, ունենալ այդ Հայրենիքում սրտահատորներ՝ մրրկավ կամ կամովին զատված և զրկված, արգելված լինել նրան հասնելու, նրա մեջ ապրելու, նրանով մխիթարվելու, ուրախանալու ու նրան ծառայելու մարդկային տարրական իրավունքից — կա՞րդյոք ավելի մեծ զրկանք քան այդ մեկը, ավելի մեծ հոգեկան տառապանք, քան թափառականի այդ կյանքը: Բայց, ան-

խիղճ ու բարոյագուրկ որոշ մարդկանց համար ձեռնտու չէ հայության համախմբումը իր հայրերի երկրի մեջ. նրանք հակառակում են ներգաղթին: Անցյալ 30 տարիների ընթացքում, շնորհիվ Սովետական Միության եղբայրական օժանդակության, կարելի եղավ ազատել մի մեծ թիվ այդ տարահալածներից: Նրանք այսօր արդեն խառնված իրենց հարազատներին, աշխատում են Հայրենիքի բարգավաճման, առաջադիմության համար: Նրանց զավակները լցրել են հայրենի ուսումնարանները և պատրաստում իրենց համար երջանիկ ապագա:

Այսօր, մեր Հայրենիքի բարեբաստիկ 30-ամյակին առթիվ, բերկրանքով կխայտա սիրտը հանուր հայության, բերկրանքով կխայտան հոգիները նաև մեր բյուր և բյուր նահատակներին, որոնք ընկան գաղափարի հանապարհի վրա, մեզ կտակելով սեր, նվիրում, պաշտամունք դեպի վերածնված Հայաստանը: Հանուր հայությունն այսօր մաղթում է երջանկություն, է՛լ ավելի բարգավաճ կյանք մեր Հայրենիքին, մաղթում է ուրիշ անթիվ երեսնամյակներ:

